



JOHANNIS BANDINI DE BARTHOLOMÆIS, CLARISSIMI LEGUM INTERPRETIS SENEENSIS SUORUM TEMPORUM HISTORIA



Senensis Respublica, quæ ab adventu Caroli Quarti Germanorum Imperatoris per annos quadraginta quinque civilium, ac externorum bellorum exagitata turbata fuit, cum à Florentinis gravi bello per decennium premeretur, fessa, tandem Johannis Galeatii Vicecomitis, Mediolanensium Ducis, quem defensorem prius habuerat, se in potestatem, honestis tamen conditionibus, tradidit. At cum per annos minus quatuor ejus fuisset auspiciis administrata, ipso denique Papæ vita functo, non sine suspitione dati à Florentinis veneni, Civitatibus cunctis à Filiorum imperio, tamquam à crudeli impiaque Tyrannide, dehiscentibus, Anno Salutis MCCCCII. Senenses de resumenda libertate cogitare cœperunt. Igitur Salimbenii ut ceteris Nobilibus potentiores, ita & animo elatiores, cum Civibus æquo jure vivere nequeutes, post Ducis obitum, Republicæ formam immutare constituunt. Itaque XII. factione, quam pridem amicissimam

habuerant, sibi adscitam Malevoltarum Familiam tunc temporis satis potentem, etsi prius sibi inimicam, Ducis tamen rebus infensam, in intentionem suam traxere. Id Novemvirorum factionem non latuit; nam Thomas Agazzarius Eques, accessit ad se quodam Salimbenium familiari, ac in secretum locum perducto, rem omnem, prout erat, patefacere cœgit.

Quamobrem rebus suis pertimescentes (vetus enim odium illis cum Duodecim Virorum factione intercedebat) cum Reformatorum primoribus clam consentiunt, ac Ducis Vicarium, cui aut mortis, aut expulsiōnis periculum imminabat, sibi adjungunt. Simulatibus ac suspitionibus his taliter per annum existentibus, contentiōnis occasio exorta est ex conventionibus quibusdam cum Florentinis in belli fine transactis. Qua de re Salimbenii cum suis Ladislaum Neapolitanorum Regem in Etruriam contra illos evocare conabantur; aliis verò contra nitentibus, ad tumultus tandem & arma perventum est. Itaque Franciscus, & Petruccius Salimbenii fratres arma capiunt, factoque suorum agmine, in Fori Campum contendunt. Sed cum à Ptolemæis armatis transire prohiberentur, per Lanificum viam descendentes, tandem pervenerunt. At Ducis Vicarius, & Populi Capitaneus obviam prodeutes, vitamque Duci, & Populo acclamantes, illos